



CONCELLO DE REDONDELA

ACTA DA XUNTANZA DO CONSELLO PARROQUIAL DE QUINTELA
01 DE DECEMBRO DE 2015

ORDE DO DÍA

1. Aprobación, se procede, das actas anteriores
2. Nomeamento do representante do Consello Parroquial de Quintela para a Comisión Territorial do PXOM
3. Proxecto Redondela 2020
4. Proxecto de compostaxe e reciclado Redondela 2016-2020
5. Propostas modificación regulamento Consellos Parroquias
6. Rogos e preguntas

ASISTENTES

Presidenta: M^a José Barciela Barros

En representación dos grupos municipais:

- José Luis Villaverde Campos
- Xoan Carlos González Campo
- Isaac Borja Araújo Figueroa
- Apolinar Couñago García

Como representantes das asociacións de veciños:

- Eloy Quiñones Guisande
- Franciso Fervenza Otero
- Claudino Rodríguez Gómez

Como representantes da Comunidade de Montes:

- M^a José Fabre Fervenza
- M^a Carmen Pena Tome

Como representantes da comunidade de augas:

- Francisco Javier Sánchez Martínez
- Bernardo Casas Montero

En representación das ANPAS escolares:

- Ángel Lorenzo
- Oscar Rodríguez Otero

Asiste o concelleiro de Medio Ambiente, Miguel Ángel Álvarez Ballesteros

Secretaria: Manuela Docampo Pintos



CONCELLO DE REDONDELA

No CEIP de Quintela, a un de decembro de dous mil quince, previa convocatoria reuníronse os/as membros do Consello Parroquial de Quintela baixo a presidencia da Sra. Barciela Barros, por delegación do Sr. alcalde e asistidos de min, a secretaria do consello, coa finalidade de celebrar a xuntanza ordinaria convocada para o día de hoxe.

Pola Presidencia, declarouse aberta a sesión sendo as vinte horas e dez minutos, pasándose a tratar a orde do día.

1.- Aprobación, se procede, das actas anteriores

A *presidenta* dá conta das actas das xuntanzas deste consello parroquial, a do 3 de marzo de 2015 e a do 23 de setembro de 2015 e aclara con respecto á primeira delas que é anterior ao seu nomeamento como presidenta deste consello (14.09.2015) polo que é aprobada só polos membros que conformaban o consello anterior (Sres.:González Campo, Couñago García, Villaverde Campos, Quiñones Guisande, Fervenza Otero, Rodríguez Gómez, Sánchez Martínez, Casas Montero, Lorenzo e as Sras.: Fabre Fervenza e Pena Tomé).

Sometida a votación a aprobación da acta do 23 de setembro de 2015, apróbase por unanimidade dos asistentes.

2.- Nomeamento do representante do Consello Parroquial de Quintela para a Comisión Territorial do PXOM

A *presidenta* comeza explicando que se solicita o nomeamento dun representante do Consello Parroquial e que debe ser unha persoa coñecedora da parroquia, que saiba de delimitacións, de ubicacións de camiños etc..., que a función a desempeñar sería a de axudar aos redactores do Plan Xeral, resolvendo dúbihadas acerca da parroquia .

O Sr. Araújo Figueroa considera que é mellor que sexa un representante dos veciños.

O Sr. Casas Montero di que cree que debe ser unha persoa maior, xa que teñen máis coñecementos da parroquia.

O Sr. Araújo Figueroa agrega que pode nomearse a máis de un e que poden estar varios en apoio.

A *presidenta* contesta que só se pode nomear a un representante, áinda que pode este apoiarse noutras persoas.

O Sr. Quiñones Guisande propón que sexa o representante o Sr. Fervenza Otero.

As Sras. Fabre e Pena din que están de acordo coa proposta.

O Sr. Sánchez Martínez di que o Sr. Villaverde Campos tamén cumpre cos requisitos.



CONCELLO DE REDONDELA

A *presidenta* di que só se pode nomear a un representante pero que entre eles poden colaborar.

O consello en votación ordinaria e por unanimidade acorda propor a D. Francisco Fervenza Otero como representante do Consello Parroquial de Quintela para a Comisión Territorial do PXOM.

3.- Proxecto Redondela 2020

O Sr. Álvarez Ballesteros expón que na páxina do concello hai un portal para facer suxerencias ao PXOM, de cómo queremos Redondela, necesidades que hai, ali vótanse ideas e que neste intre hai sobre 130. Indica que moitas son referentes á vila pero considera que as parroquias teñen moito que dicir e que áinda que é a xente nova a que utiliza este medio, informa que tamén se poden plasmar as ideas en papel e presentalas no Rexistro Xeral no Concello.

O Sr. Araújo Figueroa expón que este é un plan da Unión Europea, que non saca os orzamentos cada ano senón cada 6 anos, que este en concreto se chama Redondela 2020, que o concello presentará un plan e solicitará a axuda que ven de Europa tal e como se fixo coas obras da Marisma, e remata dicindo que neste intre está canalizado máis á sostenibilidade para Redondela.

O Sr. González Campos aclara que si teñen algunha idea tamén a poden presentar por Rexistro Xeral. Indica que Quintela é unha parroquia na que existe moito tendido eléctrico e que ao mellor á parroquia de Quintela o que lle interesa por exemplo é soterrar as liñas eléctricas.

A *presidenta* di que as ideas se poden presentar sen problema polo Rexistro Xeral do Concello.

O Sr. Araújo Figueroa di que tamén se poden presentar no Consello Parroquial e que desde eiqui se acheguen.

O Sr. Sánchez Martínez expón que se podería solicitar a instalación dun punto limpo mancomunado coas parroquias porque iso é sostenibilidade, xa que somos dos poucos concellos que non temos un punto limpo.

O Sr. Álvarez Ballesteros contesta que o mellor é plasmalas por escrito.

4.- Proxecto de compostaxe e reciclado Redondela 2016-2020

A *presidenta* dalle a palabra ao Sr. Álvarez Ballesteros que comeza a súa exposición facendo referencia á campaña de reciclaxe levada a cabo o ano pasado, indica que á xuntanza que se convocou nesta parroquia só acudiron 4 veciños; se fixo ese ciclo e se entregaron composteiras.

Expón que cara ao ano 2020 Europa obriga a reducir o lixo orgánico, que só neste Concello xeneramos uns 10.500.000 de toneladas que se entregan a SOGAMA.e que



CONCELLO DE REDONDELA

supón un gasto importantísimo ao Concello, polo que hai que buscar a maneira de reducir o lixo orgánico. Indica que no rural se traballa en 3 liñas :

1. Compostaxe individual, mediante a cal os particulares poderán facer compostaxe. Informa que a Deputación Provincial vai dar unhas charlas con mestres composteiros e que se van facilitar composteiras.
2. Compostaxe comunitario, indicado para grupos de edificios, onde se colocarán composteiras, que é voluntario e que en principio o que se trata e de que entren nesta dinámica. Que se comezará con dous edificios que funcionen e pouco a pouco que vaian entrando os demais.
3. Recollida de lixo de grandes produtores.

Di tamén que cara ao ano 2020 temos que entrar polo aro, que hai que inicialo xa, senón haberá unha sanción, que se poden achegar ideas e sugerencias ao concello a través do correo electrónico ou polo Rexistro Xeral, que hai que chegar a máis xente.

O Sr. Araújo Figueroa informa que xa na lexislatura de Xaime Rei se comezara con isto polo concelleiro Carlos Pazos.

A presidenta di que na parroquia se podería sacar partido, xa que se botan aos contenedores moitos restos de podas, céspede.....

A Sra. Fabre Fervenza comenta que habería que concenciar aos xardineiros.

O Sr. González Campo di que hai dúas cousas : 1º o tema de SOGAMA é porque é unha empresa e sube a factura e 2º que é importante que os colectivos falen de reciclar e facer compostos, que non fai falla facilitar composteiras, xa que nun lugar da finca pódese facer.

O Sr. Casas Montero di que hai quen se dedica a cortar e tirar todo aos contenedores e que non se refire únicamente aos particulares senón a empresas, que non se recicla que se tira toda clase de lixo (cartóns, plásticos.....)

O Sr. Álvarez Ballesteros contesta que neses casos o que hai que facer é coller a matrícula dos que se dedican a botar o lixo para poder sancionar. Informa tamén que todo o que se bote no contenedor amarelo, no do cartón ou no do vidro non paga nada e que se alguém está interesado no compostaxe haberá unha charla no Multiusos. Indica así mesmo que xa houbo outra á que acudiu pouca xente, que para a vindeira charla se sacará unha nota de prensa e que na mesma regalaranse composteiras.

A Sra. Fabre Fervenza pide pór máis contenedores de vidro e plástico nesta parroquia.

O Sr. Álvarez Ballesteros di que URBASER ten que cambiar os contenedores e que haberá que reciclar.

A Sra. Pena Tomé expón que deberían distribuirse mellor os contenedores de vidro e plástico, xa que hai poucos e non hai por eiquí ao arrededor.



CONCELLO DE REDONDELA

O Sr. *Fervenza Otero* mostra a súa conformidade coa Sra. Pena e di que hai poucos na parroquia.

O Sr. *Álvarez Ballesteros* contesta que non se pode encher toda a parroquia de contenedores, que debemos facer cousas sostibles e que se hai xente interesada na compostaxe non temos problema en facer unha charla informativa.

O Sr. *Sánchez Martínez* pregunta onde composta o Concello

A *presidenta* contesta que en Pousadouro

O Sr. *Sánchez Martínez* di que en Mañó se bota de todo, que ata se ve por alí a carroceta de Barros.

A *presidenta* acláralle que Parques e Xardíns só bota as podas, que ademáis se están triturando, que a carroceta de Barros é da brigada de desbroce.

O Sr. *Sánchez Martínez* di que a viu el, que temén van chimpins a botar.

O Sr. *Álvarez Ballesteros* comunica que plantexarán que cada parroquia asuma o lixo que xenere pero que cando se limpan as cunetas a algúñ sitio teñen que levar iso.

O Sr. *Sánchez Martínez* di que o que ocurre e que eiquí se deposita todo o que se xenera en toda a vila, que nese aspecto se mellorou moito, que se puxeron unhas pedras pero que a xente é unha inconsciente e bota de todo.

A *presidenta* di que se colocou unha cadea e que están pendentes de colocar unhas sinais.

O Sr. *González Campo* di que son empresas moitas das que verten alí.

O Sr. *Álvarez Ballesteros* expón que a Deputación Provincial ten unha máquina de triturar que pode solicitar o Concello e que se se determina un lugar onde o cidadán poida depositar as ramas, podas e demás, a Deputación trituraría o alí depositado e isto tamén implicaría que calquera persoa interesada poida recoller o que necesite. Indica que xa temos que entrar nesta dinámica.

O Sr. *Sánchez Martínez* insiste en que somos o basureiro do Concello e pregunta en qué nos beneficia á parroquia de Quintela, non ten parques, nin casa cultural, e todas as parroquias teñen.

5.- Propostas modificación regulamento Consellos Parroquias

O Sr. *Álvarez Ballesteros* en calidade de concelleiro delegado de Participación Cidadá da conta da proposta de modificación do Regulamento dos Consellos Parroquiais, remitida aos membros mediante correo electrónico o 3 de novembro de 2015, e expón que cada Consello Parroquial pode realizar as súas aportacións durante este mes mediante correo electrónico, que así o fixo o Consello Parroquial do Viso (entrega fotocopia de dita proposta aos membros do Consello) e aclara que estas xunto coas



CONCELLO DE REDONDELA

do Concello, as que se fagan eiquí e as que realicen os outros consellos se terán en conta e que de aí sairá a modificación do regulamento.

5.- Rogos e preguntas

O Sr. Sánchez Martínez, no referente á obra do camiño Carballal, di que non sabe que pintamos, referíndose á Comunidade de Augas, xa que se se pide subvención á Deputación, esta nos require presentación dun proxecto e as obras que se realizan desde a Comunidade de Augas son dun importe duns 3000 euros que é o que custa este. Indica que ademáis o Concello non conta coa comunidade, xa que no camiño Carballal non se incluíu a traída, pero en cambio en Vilar si que se incluiu e no proxecto do camiño Carballal non se pode.

A presidenta aclara que en Vilar non se incluiu a traída, que o que se fixo foi meter unha tubería por si algún día se precisa (foi unha previsión) que nunca se pagou mangueira algunha, que cando se abre o camiño se se quere se pode aproveitar para arranxar a traída, que neste caso o camiño Carballal é un proxecto da Deputación Provincial pero que contrata o Concello e que comezará mañá a obra.

O Sr. Álvarez Ballesteros comenta que o Consello Parroquial do Viso se reunen antes e que cada asociación, comunidade... levan as súas propostas para a realización de obras.

O Sr. González Campo mostra a súa conformidade co Sr. Sánchez Martínez di que ten a súa lóxica, xa que se está afectado o abastecemento de auga ao mellor hai que cambialo e non facelo dentro duns anos.

A presidenta di que o concello non paga a mangueira.

O Sr. Sánchez Martínez di que a Comunidade de Augas só pide a máquinaria que a man de obra e a mangueira as pon a comunidade, que ao comezar mañá as obras no camiño do Carballal, non lle dá tempo á comunidade, que debería facerse con antelación dabondo como cando se realizaron as obras no camiño San Mamede..

A presidenta expón que no referente ao camiño do Carballal o proxecto saiu atravesado, que se solucionou agora, se realizou a contratación e a empresa COVSA, que é a adjudicataria, di que comeza xa mañá. Indica así mesmo que as obras consisten en asfaltar desde o portal do colexo e tamén onde aparcen os mestres, que se vai a canalizar a auga que baixa cun tubo maior, que se fará unha cuneta e se colocará unha rexilla xunto a casa onde mete a auga e en canto ao camiño do Verdeal vaise a arranxar a rampla.

Dille así mesmo aos representantes da Comunidade de Augas que si están dispostos a cambiar a tubería que mañá falamos coa empresa.

O Sr. Sánchez Martínez di que xa en actas anteriores deste consello consta a petición.



CONCELLO DE REDONDELA

O Sr. Rodríguez Otero pregunta se se ten permiso de Educación para asfaltar o aparcamento dos mestres e pregunta que é mais importante asfaltar ou facer un acceso para os nenos.

A presidenta contéstalle que estivo cunha persoa da Unidade Técnica de Educación para velo.

O Sr. Lorenzo dille ao Sr. Rodríguez Otero que este asfaltado non entraba neste proxecto, xa que eran uns cartos que estaban destinados polos participativos do ano anterior ao arranxo dun muro e como eses cartos non se ían a invertir, Lorena e eu pedimos que se utilizasen para isto. Non confundamos os termos.

O Sr. Rodríguez Otero di que o do acceso do colexio non só é importante para os nenos senón tamén para a xente maior que ven a votar e insiste en preguntar se hai autorización de Educación.

A presidenta contéstalle que tamén hai un acceso ao colexio polo camiño de arriba.

O Sr. Álvarez Ballesteros di que o Concello só fai o mantemento do colexio.

O Sr. Lorenzo di que todo pertence a Educación pero que está feito en terreos que eran da Comunidade de Montes.

A presidenta comenta que non vai ser posible facer o camiño que vai por detrás do Colexio a **apertura do camiño da Coutada (antes Copiño)**, xa que un dos veciños non está disposto a ceder como tampouco o está a directora do colexio, xa que se perdería parte dun espazo onde se ten pensado facer un comedor e ademáis tamén afectaría ás pistas, quedando estas moi xustas. Informa así mesmo, que o sábado viu co redactor do proxecto e o veciño que ten a granxa di que non está disposto a ceder pola parte de abaxo

O Sr. Rodríguez Otero di que entón habería que expropiar.

A presidenta di que o veciño só estaría disposto a ceder pola parte de arriba, polo que á vista disto, temos problemas coas cesións tanto no comezo do camiño como no remate. Indica que a posibilidade de ceder do colexio está pendente da decisión da técnica de Educación, que quedaron de dar unha contestación, que está complicado porque tería que ceder o colexio (Consellería de Educación) un anaco de terreo para que o autobús poidera xirar pero que entón esta cesión pode perxudicar ás dimensións das pistas e tamén a unha futura ampliación do colexio para a instalación dun comedor.

O Sr. Rodríguez Otero contesta que entón haberá que denunciar a manobra que fan os autobuses.

A Sra. Fabre Fervenza di que hai outra solución, que suba o autobús ata a última marquesíña de Quintela, xunto a de Peitos e pola de Teles e saír ao cruce da Traída. Tamén pregunta se todas as estradas asfaltadas necesitan proxecto ou os 8 metros, xa que desde a de Honorato á de Teles non fai falla ceder.



CONCELLO DE REDONDELA

A Sra. Pena Tomé dille que vai pasar o mesmo que eiquí.

O Sr. Araújo Figueroa di que o mellor é expropiar por interés social.

O Sr. Rodríguez Otero manifesta a súa conformidade e di que sería a maneira de solucionar isto.

A presidenta expón que a expropiación se poder consultar e que haberá que miralo.

O Sr. Rodríguez Otero di que ao colexio ven xente non só de Quintela, tamén de Saxamonde, Padrón e ven a pé

A presidenta dille que por eiquí virían todos os autobuses

O Sr. Lorenzo puntualiza dicíndolle que menos os nenos que veñen dos Valos.

A presidenta expón que habería que ver a posibilidade de expropiar co Concello e consultalo cos servizos xurídicos, xa que a xente está queimada coa asociación de Montes.

O Sr. Casas Montero di que estará queimada por outras cousas.

A Sra. Pena Tomé di que prometen unha cousa e dan outras.

A presidenta contéstalle que ti vives eiquí pero que ela vive en Teis e non é o mesmo.

En canto ás peticións realizadas na xuntanza anterior, informa que hai pedidas as marquesiñas, pero a que se solicitaba para a carnicería de Barciela non hai marxe na estrada e non hai onde metela, xa que onde se podía ubicar habería que ceder e a propietaria da parcela non está disposta.

Informa así mesmo que se puxo unha xunto a de Ipiña/Rivera, unha de viseira. Tamén di que hai unha marquesiña que se vai retirar de Cesantes e poñela en Quintela.

A Sra. Fabre Fervenza pregunta ónde eran

A presidenta contéstalle que unha na carnicería de Barciela, que se pode cambiar de lado e outra na Canteira que teño que poñela.

O Sr. González Campo di que haberá que colocálas nas paradas e que estas están estipuladas.

O Sr. Rodríguez Otero di que se pode colocar onde está Lino

O Sr. Villaverde Campos di que se podería colocar onde están os contenedores.

A Sra. Fabre Fervenza di que habería que botalos para atrás.

A presidenta informa tamén que se colocou un tubo na curva que vai a Saxamonde e que agora quedou un pouco máis ancha, que este arranxo o solicitou o Consello



CONCELLO DE REDONDELA

Parroquial de Saxamonde. Comenta que mañá irá a esa zona e que ali o que habería que facer é abrir a estrada porque hai un tubo que é mitade plástico e mitade cemento. Indica que ao colocar o tubo, esa curva vai quedar más ancha e que o mellor sería pór unhas pedras e unha barandilla, xa que ten moita altura.

O Sr. Fervenza Otero di que ali tamén hai un tubo de rego.

O Sr Araújo Figueroa menciona o problema do tellado do colexio de Quintela, que se perde calor, que é de amianto e é canceríxeno.

O Sr. Sánchez Martínez di que o amianto só é canceríxeno cando o cortas ou o manipulas.

A presidenta contesta que os temas particulares como éste deben tratarse no Consello Escolar ou no Claustro.

O Sr. Araújo Figueroa di que o PSdG-PSOE xa presentou unha enmenda aos orzamentos da Xunta de Galicia para que se inclúa o seu arranxo.

O Sr. González Campo comenta que hoxe estivo coñecendo o centro a deputada do BNG Carme Adán, co motivo de presentar una iniciativa parlamentaria na que a Consellería informara da situación do tellado do CEP Quintela.

A Sra. Fabre Fervenza pregúntalle á presidenta polos taboleiros de anuncios.

O Sr. Sánchez Martínez di que na curva do Pichurreiro estase levantando o asfalto do lado esquierdo, que xa o ten reiterado no consello, que o Concello fixo un paso para a auga sen saída e que ese é o problema, a auga filtrase e desbordan as arquetas da Comunidade de Augas, a situación concreta é no cruce do camiño do Muíño da Porta co camiño de San Mamede,

A presidenta pregunta se hai por ónde facer a saída da auga.

A Sra. Fabre Fervenza pregunta se se pode facer no lavadeiro do Porto unha fonte, xa que nace auga a 100 m do pozo.

A presidenta contéstalle que entón hai que ver onde nace a auga, analizala e canalizala.

O Sr. Fervenza Otero responde que esa auga nace no Copiño e que a auga vai ao pilón e aos regantes.

A presidenta comenta que foi a ver o camiño das Fontes, di que a asociación pide facer ese camiño.

O Sr. Sánchez Martínez di que é estreitísimo e que non se asfalte.

O Sr. Rodríguez Otero propón o do camiño do Brasil que é máis ancho.



CONCELLO DE REDONDELA

O Sr. Villaverde Campos propón a limpeza, colocación de alumeados e recollida de augas no camiño dos Campos de Quinteiro, que ademáis figura nunha acta anterior.

A presidenta, á vista de todo o exposto, propón como proxectos que interesan ao consello parroquial os seguintes:

1º. Camiño dos Campos de Quinteiro, Quintela

2º. Camiño das Fontes

3º- Camiño do Brasil

Tamén aclara que os camiños deben ter un ancho de 8 m. e nalgúns casos haberá que facer cesións.

O Sr. Rodríguez Otero di que non só é asfaltar que tamén se pode meter zahorra.

O Sr. Quiñones Guisande pregunta qué pasa co camiño da Faxiña

A presidenta dille que pasa outro tanto, que consultou o inventario, que é un camiño importante e longo que recorre toda a parroquia, pero que xa na entrada do camiño se atopou cun veciño (Ángel) que lle dixo que non está disposto a ceder máis, que o que se pode facer neste momento é só mover o poste.

E non habendo máis asuntos que tratar, pola Presidencia levantouse a sesión, sendo as vinte e unha horas e cincuenta minutos da data fixada no encabezamento, en proba de todo o que se extende a presente ACTA, da que, como secretaria do Consello,
DOU FE.

Dilixencia: Esténdese para facer constar que a presente acta foi aprobada na xuntanza ordinaria do Consello Parroquial de Quintela do 16.03.2016 pola mayoría dos membros asistentes, coa abstención de Leonardo Cabaleiro Couñago.